

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
JAVNA USTANOVA MJEŠOVITA SREDNJA ŠKOLA



Broj: 01-203 / 2017. godine
Maglaj, 20.03.2017. godine

FEDERACIJA BOSNE I HERCEGOVINE
OPĆINA MAGLAJ
Služba za boračko-invalidsku i socijalnu zaštitu,
opću upravu i društvene djelatnosti

PRIMLJENO	21.03.2017.		
Org. jedinica	Klasni oznake	Redni broj	Broj priloga
		2708	

OPĆINA MAGLAJ
**Služba za boračko-invalidsku i socijalnu
zaštitu, opću upravu i društvene djelatnosti**

**PREDMET: Informacija o radu za školsku 2015/2016. godinu, dostavlja se –
(Veza: Akt Općine Maglaj-Općinskog načelnika, broj: 01-38-1-515/17. od
14.03.2017. godine)**

Poštovani,

shodno Zahtjevu Općine Maglaj – Općinskog načelnika, broj: 01-38-1-515/17. od 14.03.2017. godine, dostavljenog ovoj ustanovi dana 20.03.2017. godine, dostavljamo Vam u prilogu ovog akta Informaciju o radu Javne ustanove Mješovita srednja škola Maglaj za školsku 2015/2016. godinu.

Istakli bismo da smo istu, u prilogu našeg akta, broj: 01-1266/2016. dostavili Vašoj Službi dana 17. novembra 2016. godine.

Kada je riječ o Planu upisa učenika u I (prve) razrede za školsku 2017/2018. godinu, ističemo da su u ovoj ustanovi u toku aktivnosti na realizaciji pomenutog, kroz anketiranje učenika završnih razreda osnovnih škola.

Po okončanju anketiranja učenika, sagledat ćemo interese i želje istih, kada ćemo, shodno tim rezultatima, potrebama lokalne privrede, mogućom pojavom tehnološkog viška zaposlenika, a na prijedlog Stručnih aktiva, Nastavničkog vijeća i Sindikalne organizacije škole, na Školskom odboru donijeti Odluku o Planu upisa za narednu školsku godinu.

S poštovanjem!

DOSTAVLJENO:

Naslovu,
 a/a.



DIREKTOR:

Ermin Tanković, prof. /

IZVJEŠTAJ O RADU
JAVNA USTANOVA MJEŠOVITA SREDNJA ŠKOLA MAGLAJ
ŠKOLSKA 2015/2016. GODINA

NAZIV ODGOJNO-OBRAZOVNE USTANOVE	JAVNA USTANOVA MJEŠOVITA SREDNJA ŠKOLA MAGLAJ
TEHNIČKE I SRODNE ŠKOLE, STRUČNE ŠKOLE	<p><i>Ekonomski tehničar</i> <i>Elektrotehničar energetike</i> <i>Mašinski tehničar</i> <i>Hemijski tehničar općeg smjera</i> <i>Tehničar drumskog saobraćaja</i> <i>Mašinska stručna škola (Bravar, Plinski i vodoinstalater, Zavarivač, Metalostrugar, Automehaničar)</i> <i>Elektrotehnička stručna škola (Elektromehaničar i Elektroenergetičar)</i> <i>Tekstilna stručna škola (Konfeksionar tekstila - Krojač)</i> <i>Stručna škola uslužnih djelatnosti (Frizer-Vlasuljar)</i> <i>Trgovinska stručna škola (Prodavač)</i> <i>Hemijsko-tehnološka stručna škola (Proizvođač, celuloze i papira i Hemijski laborant)</i> <i>Specijalna stručna škola (PK knjigovezac)</i></p>
BROJ UČENIKA I BROJ ODJELJENJA (u matičnim i područnim školama)	600 učenika raspoređenih na 29 odjeljenja
USPJEH UČENIKA U UČENJU I VLADANJU	<p><i>189 ili 31,50% učenik sa odličnim uspjehom</i> <i>243 ili 40,50% učenika sa vrlo dobrim uspjehom</i> <i>151 ili 25,16% učenika sa dobrim uspjehom</i> <i>14 ili 2,34% učenika sa dovoljnim uspjehom</i> <i>3 ili 0,50% učenika je upućeno na ponavljanje razreda</i></p> <p><i>475 ili 79,16% učenika ima primjerno vladanje</i> <i>59 ili 9,84% učenika ima vrlo dobro vladanje</i> <i>27 ili 4,50% učenika ima dobro vladanje</i> <i>29 ili 4,84% učenika ima vladanje zadovoljava</i> <i>10 ili 1,66% učenika ima loše vladanje</i></p>
UVJETI RADA (prostor, oprema učila i drugo)	<p><i>Škola prema GPR – u raspoložuje sa ukupno 3780 m² površine. Od toga posjedujemo 12 učionica, 12 kabineta, 1 laboratorij (dijelimo sa Gimnazijom), 8 radionica za praktičnu nastavu, biblioteku (dijelimo sa Gimnazijom), sportski poligon, te salu za manifestacije i ljetnu učionicu.</i></p> <p><i>Kada je u pitanju oprema možemo konstatovati da smo dosta dobro opremljeni za teoretsku nastavu, što se ne može reći za praktičnu nastavu, jer smo u poplavama 2014. godine izgubili u potpunosti opremu za mašinsku, elektro, tekstilnu i frizersku struku. Nešto od te opreme je velikim entuzijazmom uposlenih vraćeno u nastavni proces, ali nam još uvijek nedostaje nastavnih sredstava i pomagala da bismo bili zadovoljni tim dijelom. Putem Općinskog vijeća pozivamo lokalne firme koje su u mogućnosti da pomognu mladima općine Maglaj obezbjeđujući potrebna nastavna sredstva i pomagala za ovu ustanovu.</i></p>
BROJ I STRUKTURA ZAPOSLENIH (stručna zastupljenost nastave)	<p><i>Nastava u ovoj ustanovi je stručno zastupljena, a u školskoj 2015/2016. godini bilo je uposleno ukupno 61 profesor/nastavnik, od čega je 51 sa VSS-om, 3 sa VŠ-om i 7 sa SSS-om.</i></p>

<p>REALIZIRANE AKTIVNOSTI U OKVIRU GODIŠNJEG PROGRAMA RADA</p>	<p>Sve planirane aktivnosti GPR-om škole su realizovane, a ovdje bih posebno istakli podatak o realiziranoj redovnoj nastavi, gdje smo planirali i ostvarili 37485 nastavnih časova, te po 1750 časova školskih sekcija, 770 časova dodatne nastave i 1365 časova dopunske nastave.</p>
<p>VANNASTAVNE AKTIVNOSTI</p>	<p>Malo je škola u kantonu, pa i državi koje se mogu pohvaliti bogastvom vannastavnih aktivnosti kao mi. U školi egzistira preko 20 sekcija. Sve su one aktivne shodno svom programu. Ističemo samo najznačajnije uspjehe i aktivnosti: PRVO MJESTO u konkurenciji dokumentaristički rad (Bradarić Rusmir), na nivou Federalnog ministarstva kulture i sporta „Mladi i naslijeđe“; DRUGO MJESTO (Dženan Smajlović) u kategoriji bravar – Festival rada srednjih tehničkih i stručnih škola Bosne i Hercegovine (Živinice); TREĆE MJESTO (Vildana Delić) u kategoriji Tehničar drumskog saobraćaja – Festival rada srednjih tehničkih i stručnih škola Bosne i Hercegovine (Živinice); TREĆE MJESTO - 13. Sajam omladinskih preduzeća u kategoriji „Najbolji proizvod“ (Banja Luka); uspješno učešće na 4. Takmičenju mladih u preduzetništvu u organizaciji OIA Sarajevo; uspješno učešće na Bosnian Sceience OLYMPIAD 2016. u organizaciji Burch University Sarajevo; potvrda da pripadamo samom vrhu Mješovitih srednjih i tehničkih škola Zeničko-dobojskog kantona kroz rezultate na kantonalnim takmičenjima iz matematik, fizike i informatike; pored uspjeha na takmičenjima, ističemo i slijedeće vannastavne aktivnosti: organizacija Tradicionalnih malonogometnih turnira; humanitarne akcije; učešće na manifestaciji Opće biblioteke Maglaj „Čitanje živih knjiga“; realizacija projekta na nivou škole „Upalimo svjetlo u BiH“ (Sekcija Obrazovanje za mir); posjeta učenika ekonomske struke Centralnoj banci u Sarajevu; posjeta učenika hemijske struke Natron-Hayat-u i Diti Tuzla; edukativno-kulturno-zabavne priredbe u povodu Bajrama, Dana državnosti BiH, Dana nezavisnosti BiH; manifestacija Smotra stvaralaštva učenika koja je pored priredbe ponudila i izložbu učeničkih radova nastalih na časovima teoretske i praktične nastave-prodajnog karaktera, gdje je novac od prodatih eksponata iskorišten za kupovinu mjesečnih karata socijalno ugroženim učenicima naše škole; učenici hemijske struke odradili aktivnost na temu: „Biram savjesno, nosim prirodno“, te prezentirali hemijske eksperimente učenicima područne škole Liješnica; učenici snimili film „Maglaj grad u srcu“; uposlenici škole u povodu Dana škole (22.4.) posjetili i odali počast žrtvama genocida u Srebrenici., pozivamo Vas da nas pratite putem facebook stranice: Msš Maglaj.....</p>
<p>REALIZIRANI PROJEKTI</p>	<p>Donacija od Islamske banke – BBI Banka Sarajevo u iznosu od 25.000,00 američkih dolara koja je iskorištena za nabavku opreme i poboljšanje uslova rada u školskim radionicama, nabavka sredstava za sportske aktivnosti, te nabavka informatičke i tehničke opreme za realizaciju teoretske nastave i vannastavnih aktivnosti. Općina Maglaj, Zeničko – dobojski kanton i Federacija Bosne i Hercegovine u školskoj 2015/2016. godini nisu imali finansijskog učešće kada je u pitanju ova odgojno-obrazovna ustanova.</p>

<p>POTEŠKOĆE I PROBLEMI U RADU TE PREIJEDLOZI ZA NJIHOVO OTKLANJANJE</p>	<p>O problemima ove ustanove smo govorili u stavci uvjeti rada, a dodali bismo još problem nepostojanja sportske školske sale koja, prije svih, stvara velike probleme mladima općine Maglaj, što se odražava na njihovo zdravlje, te gubljenje jednog nastavnog časa tjelesnog i zdravstvenog odgoja tokom sedmice, obzirom da jedan nastavni čas učenici izgube na putu od škole do dvorane i nazad. Naš prijedlog za rješavanje ovog problema ide u smjeru da Općinsko vijeće Maglaj pozove UNDP-a na saradnju i partnerstvo u izgradnji sportske školske sale. Nadamo se da nas naši prijatelji iz UNDP-a nisu zaboravili, tj. nisu zaboravili obećanje i svoju ponudu o gradnji sportske školske sale iz 2015. godine. Smatramo da je to jedino moguće rješenje ovog višegodišnjeg problema, te da zadatak novog Općinskog vijeća treba biti obezbjeđenje dostojanstvenog srednjoškolskog obrazovanje mladima općine Maglaj i šire, što će se svakako odraziti i na ostanak svršenih osnovnoškolaca na našoj općini.</p>
<p>RAD VIJEĆA UČENIKA I VIJEĆA RODITELJA</p>	<p>Vijeće učenika održava redovne sastanke (održanih 8 sjednica) i provodi aktivnosti na promociji škole u lokalnoj zajednici. Navodimo samo neke: obilježen Dan državnosti BiH (podjela čestitki građanima općine, prigodan školski program), obilježen Dan nezavisnosti BiH sličnim aktivnostima, uređenje školskog dvorišta, prisustvo sastancima Vijeća učenika srednjih škola ZDK, promocija kampanje „Upalimo svjetlo u BiH“(organizacija debate na temu: “Ostati ili otići iz BiH? “), obezbjeđenje novogodišnjih paketića za socijalno-ugrožene učenike osnovnih škola, organizacija i realizacija manifestacije „Dani otvorenih vrata“ za učenike IX-ih razreda osnovnih škola naše općine... Vijeće roditelja također održava redovne sastanke na kojima raspravlja o školskoj problematici, donosi određene zaključke sa kojima se upoznaje Nastavničko vijeće putem koordinatora profesorice Nevrese Gračić. Naša želja jeste veći angažman roditelja u radu škole, te njihov veći doprinos u unapređenju odgojno-obrazovnog procesa.</p>
<p>ODRŽANI SASTANCI ŠKOLSKOG ODBORA</p>	<p>Školski odbor redovno održava svoje sastanke i u školskoj 2015/2016. godini je održao ukupno 10. sastanaka na kojim je razmatrao problematiku ove ustanove, te rješavao iste shodno svojim mogućnostima i ovlastima.</p>
<p>DRUGI PODACI O RADU ODGOJNO-OBRAZOVNE USTANOVE</p>	
<p>POTPIS I PEČAT ODGOVORNOG LICA</p>	<p>Direktor: /Ermin Tanković, prof./</p>

S poštovanjem!

